



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ახალშენის მღვიმე

ახალშენის მღვიმე, კარსტული მღვიმე სოხუმის მუნიციპალიტეტში (აფხაზეთის არ), სოფ. ახალშენის მახლობლად, გუმიშხა-ფსირცხის კირქვეულ მასივში, დასავლეთის გუმისთის ხეობის მარცხ. ციცაბო ფერდობზე.

გამომუშავებულია ზედაცარცულ კირქვეებში, 285 მ სიმაღლეზე. ფსკერის ფართობი -5490 მ², საერთო მოცულობა 980 მ³ მღვიმის შესასვლელი თალური ფორმისაა. გამოკვლეული ნაწილის სიგრძე 100 მ. აქვს დერეფნის ფორმა (საშ. სიგანე და სიმაღლე 7 - 8 მ) და გუმბათოვანი თალი; იკვებება. მღვიმე ნგრევა-ჩამორეცხვის სტადიაშია. არის სტალაქტიტ-სტალაგმიტები, ტრავერტინები, ალსანიშნავია კარგად გამოხატული „გურების“ ლანდშაფტი მცურავი კალციტის კრისტალებით. გამოფიტვის პროდუქტები, ლოდნარი და თიხის ნაფენები. წყლის ნაკადის ტემპ-რა - 11,5°C, ჰაერისა - 13,5°C. მღვიმური ნაკადი სათავეს იღებს სიფონური ტბიდან, გზადაგზა აჩენს მომცრო ტბებსა და ჩანჩქერებს. მდიდარია მღვიმის ცხოველებით (კიბოსნაირები, მღვიმური ვირთაგვები, მწერები და სხვ.).

მღვიმის მორფოლოგია შესწავლილია ნ. გვოზდეცკისა და ზ. ტატაშიძის მიერ, მეტეოდაკვირვება ანარმოა კ. ნიქარიშვილმა.

ლიტ.: ტ ა ტ ა შ ი ძ ე ზ., ნ ი ქ ა რ ი შ ვ ი ლ ი კ., ჯ ი შ კ ა რ ი ა ნ ი ჯ., საქართველოს კარსტული მღვიმეების კადასტრი, ტბ., 2009.

ზ. ტატაშიძე (ტინტილოზოვი)
